

ტექნიკური დავალება

1.1. შესყიდვის ობიექტია 41550 კაც/დღეზე სპორტსმენთა დღეში სამჯერადი კვება და კვებითი მომსახურება თანდართული კვების სეზონური მენიუს მიხედვით (იხ. თანდართული Excel -ის ფაილი კვების მენიუ თითოეული სეზონისთვის (შემოდგომა, ზამთარი, გაზაფხული) ორი განსხვავებული ვარიანტი, თითოეული ვარიანტი მოიცავს 7 დღეს (სულ 42 ვარიანტი);

1.2. კვებითი მომსახურება გაწეული უნდა იყოს შემსყიდველის მისამართზე: ქ.თბილისი, თიანეთის გზატკეცილი №37-ში მდებარე სსიპ „საქართველოს ოლიმპიური რეზერვების მზადების ეროვნული ცენტრი“-ს ბალანსზე რიცხულ სასადილოში.

1.3. „მიმწოდებელმა“ უნდა უზრუნველყოს 41550 კაც/დღეზე სპორტსმენების დღეში სამჯერადი (მ.შ. საუზმე, სადილი, ვახშამი) კვებითი მომსახურების გაწევა თანდართული კვების მენიუს მიხედვით (დასვენებისა და უქმე დღეების ჩათვლით) ხელშეკრულების გაფორმებიდან 2020 წლის 31 დეკემბრამდე.

1.4. შემსყიდველი ყოველდღიურად წარუდგენს „მიმწოდებელს“ წინასწარ მეორე დღის განაცხადს: საუზმე, სადილი, ვახშამი (ვახშამზე წარადგენს მეორე დღის საუზმის განაცხადს, საუზმეზე წარადგენს სადილის განაცხადს, სადილზე წარადგენს ვახშამის განაცხადს) სპორტსმენთა დასწრების/რაოდენობის მიხედვით, მომსახურების გასაწევის პერიოდში გასათვალისწინებელია, რომ სპორტსმენებს ხშირად უწევთ სასწავლო-საწვრთნელ შეკრებებსა და შეჯიბრებებში მონაწილეობის მიღება, რის გამოც სპორტსმენთა კვებაზე დასწრება ცვალებადია.

1.5. მიმწოდებელმა უზრუნველყოს დადგენილი კვების ჯერადობის დაცვა, შემსყიდველთან შეთანხმების გარეშე არ განახორციელოს კვების მენიუში ცვლილებების შეტანა, ხოლო შეთანხმების შემდგომ შესაძლებელი იქნება ცვლილებების შეტანა შესაბამისი კალორიის დაცვით;

1.6. საკვები პროდუქტის ხარისხი უნდა აკმაყოფილებდეს ქვეყანაში არსებულ სტანდარტებს, პროდუქტის შენახვის დროს დაცული იქნეს პროდუქტის შენახვის პირობები, ხარისხი და ჰიგიენა.

1.7. ბურღულეული (ასევე: მაკარონი, ვერმიშელი, ბრინჯი და სხვა) უნდა იყოს დაფასოებული არაუმეტეს 5 კგ-იან შეფუთვებში, მასზე დატანილ ეტიკეტზე გარკვევით იკითხებოდეს პროდუქტის შენახვის ვადა, პირობები, მწარმოებელი ქვეყანა და შემადგენლობა. ფურნის პური, დაჭრილი და დამზადებული უნდა იყოს ნატურალურ საფუარზე, იყოს შეფუთული და იკითხებოდეს მწარმოებელი და შემადგენლობა. კვების პროდუქტები უნდა იყოს ნატურალური და არაგენმოდირებული.

1.8. თევზი (სიომგა, გაუყინავი, ოკეანის დაუშვებელია ხელოვნურ საკვებ დანამატებზე ხელოვნურად აუზებში გამოყვანილი, მოწოდება თავისა და კუდის გარეშე);

1.9. ხორცის პროდუქტები (ხორცი, ქათამი (მ.შ. ქათამი შეფუთული ცალობით) უნდა იყოს ახალი, ნედლი გაუყინავი არაგენმოდირებული, ადგილობრივი წარმოების, ყოველ შემოტანილ პროდუქციას უნდა ახლდეს ვეტერინალური მოწმობები (ფორმა N2). პროდუქციის უვნებლობა, ხარისხი უნდა აკმაყოფილებდეს საქართველოში მოქმედი კანონმდებლობით დადგენილ მოთხოვნებს და მოქმედ სტანდარტებს.

1.10. საქონლის ხორცი კერძში უნდა იყოს მხოლოდ რბილი;

1.11. ხილის ნამცხვარი დამზადდება ადგილზე ნატურალურ კარაქზე და არაგენმოდირებულ ხილზე;

1.12. შოკოლადი არანაკლებ 72%-იანი.

1.13. წვენი ნატურალური 100%-იანი;

1.14. თაფლი ნატურალური სერტიფიცირებული;

1.15. ყველი ქარხნული წესით დამზადებული სერტიფიკატით ან ეტიკეტით;

1.16. შედედებული რძე „სგუშონი“ ნატურალურ რძეზე დამზადებული;

1.17. რძე - ნატურალური;

1.18. კარაქი ნატურალური არანაკლებ 82%-იანი

1.19. ჯემი მყარი შეფუთვა შუშა;

1.20. ბლინი, პილმენი დამზადდეს ადგილზე ახალი ხორციით.

1.21. უზრუნველყოს მომსახურების გაწევის პერიოდში სასადილოსა და მიმდებარე ტერიტორიაზე სანიტარულ-ჰიგიენური ნორმების დაცვა, ყოველდღიურად გაიტანოს ნარჩენები ცენტრის ტერიტორიის გარეთ, კანონმდებლობით დადგენილი პერიოდულობით ჩაატაროს დეზინფექცია, დეზინსექცია, დერატიზაცია;

1.22. მომსახურების გაწევის პერიოდში მიმწოდებელმა უნდა უზრუნველყოს კვების ბლოკის ყოველდღიური (დასვენებისა და უქმე დღეების ჩათვლით) ფუნქციონირება 08:00-დან 21:00-მდე;

1.23. “შემსყიდველი” წინასწარ წერილობით აცნობებს “მიმწოდებელს” სპორტსმენთა არდადეგების ან/და დასვენების დაწყება/დამთავრების შესახებ.

1.24. უზრუნველყოს მომსახურების გაწევის პერიოდში მომსახურე პერსონალის შესაბამისი უნი-ფორმითა და კვების ობიექტის თითოეული მომსახურე პერსონალის სამედიცინო შემოწმების ორგანიზება მოქმედი კანონმდებლობით.

1.25. საკუთარი ხარჯით უზრუნველყოს კვების ბლოკი საჭირო სამზარეულო ინვენტარით (სულ 150 კაცზე საჭირო ოდენობის: ჭიქა, თევზი, დანა-ჩანგალი და სხვ.) მომარაგება და მანქანა დანადგარებით (მაცივარი, ელექტროლუმელი - ქარხნული წარმოების და არანაკლებ ოთხი ქუროთი (საყოფაცხოვრებო), საცხობი ლუმელი, ხორცსაკეპი მანქანა და სხვ.).

1.26. „მიმწოდებელმა“ საჭიროებისამებრ თავისი ხარჯებით უნდა აწარმოოს, კვების ობიექტის ფართისა (ისე რომ დაცულ იქნეს ტექნიკური რეგლამენტითა და სხვა რეგულაციებით დადგენილი მოთხოვნები) და კვების ობიექტზე არსებული მატერიალური ქონების მიმდინარე სარემონტო სამუშაოები, უზრუნველყოს საკომუნიკაციო ქსელის გამართული მუშაობა (მ.შ. საკანალიზაციო ქსელი, ელ.ენერგია, გაზი, წყალი და ა. შ.), ასევე უნდა დაიცვას დაზიანებისაგან კვების ობიექტზე არსებული ინვენტარი (კვების ობიექტი არსებული ინვენტარით „მიმწოდებელს“ გადაეცემა ხელშეკრულების გაფორმებისთანავე მომსახურების დასრულებამდე შესაბამისი აქტით), წინააღმდეგ შემთხვევაში დაუყოვნებლივ უზრუნველყოს მათი პირვანდელ მდგომარეობაში აღდგენა ან შეცვლა ახლით.

1.27. უზრუნველყოს სასადილოში არსებული ბუნებრივი აირის, სასმელი წყლის და ელექტრო ენერგიის გაყვანილობების გამართული მდგომარეობა, ხოლო დაზიანების შემთხვევაში საკუთარი ხარჯებით უზრუნველყოს ტექნიკური შეფერხებების დროული აღმოფხვრა.